

Hordaland fylkeskommune
Regionalavdelinga
Postboks 7900

5020 BERGEN

Adm.enhet: Forvaltningsseksjonen i region
Vest
Sakshandsamar: Ola Midttun
Telefon: 46888567
Vår referanse: 11/6739
Dykkar referanse: 2014/11042
Dato: 28.03.2017

Att:

Avgrenset høring - Regional kystsoneplan for Sunnhordland og ytre Hardanger - uttale

Vi viser til brev av 17.02.2017 frå Hordaland fylkeskommune, avgrensa høring av regional kystsoneplan for Sunnhordland og ytre Hardanger.

Følgjande dokument/filar inngår i høringa;

- Notat endringar til avgrensa høring
- Planomtale med retningslinjer
- Plankart til kystsoneplanen

Notat endringar til avgrensa høring - merknader

Fiskeridirektoratet region vest saknar eit notat med oversikt og resymé av planprosessen fram til i dag, og resymé av merknader som kom inn ved forrige høring hausten 2015. I notatet om endringar til avgrensa høring vert det opplyst om at :

Planendringane er basert på skriftlege merknadar, kommentarar og innspel i kommunevise møter, prosjektgruppemøte og styringsgruppemøter og vidare «Merknadane vil bli oppsummert og kommentert i ein høyringsrapport først når planen blir lagt fram til vedtak».

Fiskeridirektoratet er ikkje kjend med innhaldet av alle høyringsfråsegner etter 1. gongs høring av planen, og vi understrekar at ei presentasjon av desse vil ha stor nytteverdi for å vurdere 2. gongs planframlegg som vert presentert. Vi er ellers positive til at det er laga eit notat med oppsummering/resymé av kva endringar som er føreteke i planomtala, i retningslinjer og på plankartet.

Vi påpeiker samstundes at det i notatet ikkje er omtala at det er teke inn vesentlege endringar i planomtala under kapittel 3.2 Marint naturgrunnlag.

Planomtale – vidarefører merknader frå førre høyring

Vi viser til vårt brev av 01.10.2015 der vi har kome med en rekke innspel til tekstdel. Nokre av innspela vi har komme med er etter vår vurdering ikkje tilstrekkeleg fylgd opp.

Planomtale – merknader til kapittel 3.2 Marint naturgrunnlag

Kapittel om 'Villfisk' under 3.2 Marint naturgrunnlag handlar om spørsmål kring villaks, sjøaure, lakseførande vassdrag, kvalitetsnorm, genetisk intregitet. Utbreiing av marine artar i Hardanger og Sunnhordland er ikkje omtala, som t.d gytevandring av brisling gjennom Hardangerfjorden, førekomst av kveite og pigghå for å nemne nokon. Vår vurdering er at kapitlet ikkje gjev ei tilstrekkeleg omtale av særtrekka i utbreiing av marin villfisk i planområdet. Vi rår til at det vert teke inn supplerande tekst om villfisk slik at ein oppnår eit meir 'balansert' innhald i kapitlet som skal omhandle villfisk. Fiskeridirektoratet deltek gjerne med nærare informasjon og utforming av tekst.

Siste kapittel under 3.2 Marint naturgrunnlag heiter 'Påverknad frå oppdrettsnæringa på naturmangfaldet'. Teksten er ny og er teke inn etter etter forrige revisjon. Det handlar om spørsmål til tap av ville laksestammar, lakselus, bestandstrussel, rømming av oppdrettslaks, genetisk innblanding og sjukdom i oppdrettsnæringa.

Vi meiner det manglar supplerande informasjon om korleis sektormynde og næringa arbeider med desse spørsmåla, og kva tiltak som er satt i verk. Vår vurdering er at kapitlet bør takast ut og at ein i staden henviser til nettstader kor ein vil finne meir nyansert og oppdatert informasjon om spørsmåla som t.d. på Fiskeridirektoratet si heimeside. Her kan ein mellom anna lese meir om nasjonalt overvakingsprogram for rømt oppdrettslaks i vassdrag; <http://www.fiskeridir.no/Akvakultur/Drift-og-tilsyn/Roemming/Overvaakingsprogram-for-roemt-oppdrettslaks-i-vassdrag> . Her vil ein også finne oppdaterte rapporter og statistikk. På nettstaden <http://utfisking.no/> fins informasjon om OURO – oppdrettsnæringas sammenslutning for utfisking av rømt oppdrettsfisk.

Plankart – ingen merknader

Fiskeridirektoratet region vest har ikkje særskilde merknadar til plankartet. Vi tar plankartet til etterretning.

Med helsing

Leni Marie Lisæter
seksjonssjef

Ola Midttun
seniorrådgiver

Brevet er godkjent elektronisk og vert sendt utan handskriven underskrift

Mottakarliste:

Hordaland fylkeskommune Postboks 7900 5020 BERGEN
Regionalavdelinga

Vedlegg

Merknader til høyring av regional kystsoneplan for Sunnhordland og
ytre Hardanger - Hordaland fylkeskommune